

VENDIM
Nr.171, datë 10.3.2010

**PËR SHPRONËSIMIN, PËR INTERES PUBLIK, TË PRONARIT TË PASURIVE TË
PALUAJTSHME, PRONË PRIVATE, QË PREKET NGA NDËRTIMI I KALATËS SË
LIMJONIT, TË PORTIT SARANDË SHA**

Në mbështetje të nenit 100 të Kushtetutës, të neneve 5, pika 1, 20 e 21 të ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, të nenit 8 të ligjit nr.9836, datë 26.11.2007 “Për Buxhetin e Shtetit të vitit 2008”, të ndryshuar, me propozimin e Ministrit të Punëve Publike, Transportit dhe Telekomunikacionit, Këshilli i Ministrave

VENDOSI:

1. Shpronësimin, për interes publik, të pronarit të pasurive të paluajtshme, pronë private, që preket nga ndërtimi i kalatës së Limjonit, të Portit Sarandë sh.a.
 2. Shpronësimi bëhet në favor të Portit Sarandë sh.a.
 3. Pronari i pasurive të paluajtshme, që shpronësohet, të kompensohet në vlerë të plotë, sipas masës së kompensimit përkatës, që paraqitet në tabelën bashkëlidhur këtij vendimi, për sipërfaqen prej 160 (njëqind e gjashtëdhjetë) m², tokë truall, dhe objekt, me një vlerë të përgjithshme shpronësimi 7 321 870 (shtatë milionë e treqind e njëzet e një mijë e tetëqind e shtatëdhjetë) lekë.
 4. Shpenzimet procedurale, në vlerën 225 200 (dyqind e njëzet e pesë mijë e dyqind) lekë, të përballohen nga Porti Sarandë sh.a.
 5. Vlera e përgjithshme e shpronësimit, 7 321 870 (shtatë milionë e treqind e njëzet e një mijë e tetëqind e shtatëdhjetë) lekë, të përballohet nga “Llogaria e veçantë” e Ministrisë së Financave pranë Bankës së Shqipërisë, “Fondi i shpronësimeve”.
 6. Shpronësimi të fillojë më 15.3.2010 dhe të përfundojë më 15.6.2010.
 7. Pronari i përmendur në listën që i bashkëlidhet këtij vendimi, të kompensohet për efekt shpronësimi, pasi të ketë paraqitur dokumentacionin e plotë të pronësisë pranë drejtorisë së Portit Sarandë sh.a.
 8. Porti Sarandë, sh.a, të kryejë verifikimet lidhur me përputhshmërinë e sipërfaqeve, të cilat preken nga ndërtimi i kalatës, me numrin e pasurisë, në pronësi të pronarit, që shpronësohet.
 9. Ngarkohen Ministria e Punëve Publike, Transportit dhe Telekomunikacionit, Ministria e Financave dhe Porti Sarandë sh.a, për zbatimin e këtij vendimi.
- Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha

**LISTA EMËRORE E PRONARËVE QË SHPRONËSOHEN SI REZULTAT I
NDËRTIMIT TË KALATËS SË LIMJONIT, SARANDË**

Nr.	Emri	Atësia	Mbiemri	Zona kadast.	Nr. pas.	Ndërtesë sip m ²	Çmimi lekë/ m ²	Vlera lekë/ m ²	Truall m ²	Çmimi lekë/ m ²	Vlera lekë/ m ²	Vlera totale lekë	Shënime
1	Niko	Spiro	Llajo	8641	1	100					4 533 550	4 533 550	Proces regjistrimi
2	Niko	Spiro	Llajo	8641	1				160	17.427	2 788 320	2 788 320	Proces regjistrimi
Shuma	Niko	Spiro	Llajo									7 321 870	